

Ba Diretór Edukasaun Munisípiu Ainaro **Celestino Magno Pereira**, Diretór Jerál Ministériu Negósiu Estranjeiru **Juvencio Martins**, Diretór Jerál Ministériu Defeza **Nuno dos Santos Carvalho**, Administradór Postu-Administrativu **Luis Casmiro Lopes**, Koordenadór Eskola Maubisse **Joao Maria Mendonça**, Xefe Suco **Wilson Nivio Mendonça**, ami-nia parseiru-sira iha governu lokál no nasional, membru comunidade-sira, no klaru, Komponente Apoiu Servisu F-FDTL nian no Estadus Unidus Amérika nia Navál Seabees. Bom dia.

Ha'u kontente mai iha ne'e ohin hamutuk ho ita-boot-sira hotu hodi inagura Eskola Ensinu Báziku Filiál Sarlala Balibo nia edifisiu sala-fountain. Ida ne'e faze **dahuluk** husi fazes rua konstrusaun ba eskola ne'e. Faze **daruak** sei envolve enjeñeiru-sira husi NMCB FOUR no F-FDTL CAS hodi konstrui instalasaun prinsipál separadu ida.

Ha'u hakarak agradese membru-sira husi NMCB THREE ne'ebé dedika ona sira-nia laran no neon-tomak ba iha projetu ne'e, serbisu loron hitu semana-semena iha tipu klima oin-oin hodi garante katak eskola ne'e konstruidu molok sira fila.

NMCB THREE ho F-FDTL CAS nia enjeñeiru-sira serbisu hamutuk ho Seabees, atu garante objetivu komun hodi kompleta projetu ne'e. Ami mós apresia ba apoiu husi Ministériu Defeza ne'ebé dala-ida-tan permite F-FDTL ajuda Seabees iha sira-nia projetu-sira.

Edifisiu foun ne'e sei benefisia liutan labarik-sira-nia edukasaun no sai hanesan rekursu valiozu ida ba membru comunidade lokál-sira.

Eskola ne'e maka projetu dasia-nulu-resin-haat (94<sup>th</sup>) ne'ebé Estadus Unidus Amérika nia Navál Seabees kompleta ona iha Timor-Leste dezde tinan rihun rua-sia (2009) – sempre kolabora ho governu Timor-Leste no membru sosiedade sivil-sira.

Servisu Seabees nian mós hatudu Estadus Unidus Amérika nia apoiu-forte ba dezvoltamentu kapasidade enjeñaria F-FDTL nian.

Ami espera kontinua ami-nia servisu ho F-FDTL no parseiru-sira seluk hodi dezvoltave projetus barak liutan hanesan ne'e iha futuro, ne'ebé benefisia parte rua, povu Timor no povu Amerikanu.

Iha ezemplus balun-tan oinsá Estados Unidos América serbisu daudaun hodi ajuda Timor-Leste atu atinje nia objetivu-sira-rasik.

USAID nia projetu Avansa Agrikultura ajuda agrikultór lokál sira hodi aprende kona ba pratika no teknologia foun. Ha'u haree rasik projetu ne'e nia rezultadu-sira durante ha'u nia vizita mai Maubisse iha tinan rihun-rua-sanulu-resin-ualu (2018).

Grasas ba projetu ne'e agrikultór morango iha California bele liga ho agrikultór Timor nian atu produz morango iha Maubisse. **Bainhira Timor-Leste nia ai-han buras, Timor-Leste mós buras!**

Ha'u mós haree ona oinsá desenvolve turizmu iha Maubisse liuhusi projetu USAID nian ho naran "Turizmu ba Ema Hotu." Ne'e hanesan desenvolvimentu industria turizmu ne'ebé bele fó kontribusaun signifikante hodi diversifika ekonomia no reduz dependénsia estadu ba fundus mina-rai.

Ha'u pesoalmente hasoru malu ho ami-nia voluntáriu-sira husi Korpu-da-Paz iha Maubisse nomós Timor-Leste laran tomak. Grupu voluntariu amerikanu ne'e partilla komitmentu no determinasaun forte hodi serve povu Timor-Leste no povu Amerikanu mós. Agora, ami habelar Korpu-da-Paz ba distritu foun rua no simu Voluntáriu-sira Lian Inglés ba Dahuluk.

Embaixada Estados Unidos Amerika mós fornese apoiu ba Radio Mauloko Maubisse hodi sosa ekipamentu iha tinan rihun rua sanulu resin rua (2012). Ha'u sente haksolok bainhira mai vizita estasaun radio ne'e iha ha'u nia vizita iha tinan kotuk.

Ami sente orgulhu tebes ho esforsu-sira ne'e no ami espera kolaborasaun ne'ebé susesu liutan iha futuru.

Obrigada permite ona ha'u iha ohin lora ne'e hodi partilla ho imi susesu furak ida ne'e. Parabéns baa mi-nia parseiru-sira no belun-sira hotu.

*Obrigada barak.*